

Francisci Xaverii nomen obtinet: tertia inter Oumiamifos, Angeli Custodis. Infra memoratos lacus, supra ipsam Floridam, vastissimos pererrant campos Ilinæi. Ibi amplissima statio, cui nomen ab immaculata Virginis Matris conceptione impositum, tres in Missiones fecatur, & ad fluvium usque Missisipum procurrit. Insidet ejusdem fluminis ripis missio Baigulana, in trigesimo primo gradu latitudinis: demum ultima protenditur secundum eundem amnem versus Mexicanum sinum. Hæc visum est enucleare paulo distinctius, & quasi sub uno statim aspectu ponere, ut intelligatur quò singula referenda sint, quæ postea de Nova Francia narrabuntur.

Restat ignota Europæis adhuc pars Canadæ imensa, ultra Missisipum fluvium, clementiori subiecta cælo, frequens incolis, armentis frugibusque læta; vitæ veræ ac salutis experts. Hæc generosos Christi milites vocat. Nec non altera [324] longe isti diffimilis, quæ rigidis circa Hudsonium sinum, à gradu LV. ad LX. aut LXX. subiecta septentrionibus, nivibus ac pruinis demersa, tanto æquius implorat opem, quanto gravioribus incommodis conflictatur. Hic Societas ante annos paucos prima cœpit figere vestigia. Illucescet illa, spero, dies, cum obvallatum periculis ac laboribus iter eadem perumpet. Non sine magno molimine claustra Tartari, oppressas injusta fervitute animas retinentis, perfringuntur; neque illa ipsa, tot florens modo coloniis, Missio Canadica statim suam est maturitatem adeptæ. Ægrè per fexdecim